


随园随笔

增5
25
6

六



門 1 貴 5  
號 25  
卷 6



隋圖隨筆卷九目錄

協辦

翰林不必文人

熱勃

帖黃

漢軍

都都知都都統

縣令非令尹

古官尊卑不一

漢儀同三司宋三司

古內外官時輕時重

唐翰林學士最榮

古中書舍人最尊

部胥

柱史二解

縣佐非縣丞

僕射自魏不之尊

隋圖隨筆

卷九目錄

唐宰相皆非本官故有同三 宋宰相不專任

宋正官不治事 宋三師三公最濫

唐翰林待詔甚尊 宋封誥

宋恩蔭最濫 省臺寺監府衛院之分

令勅格式之分 稱呼越等之禁

巡撫稱中丞 唐宋散階

唐宋封婦人 宋史官制排班給俸最詳

職田 學政

縣尉上表巡檢 宋宮觀之職不必生其

唐宋官放假日多 藩司臬司

藩司稱方伯臬司稱 罰俸

直隸 宰相有印

翰林有印 檢校

行守試之分 判知之分

權發遣 洛致仕

一字 同知稱司馬

通判稱別駕 元宰相太多

元皇后亦最多 宰相稱相公

八粟官元價最貴

寄祿散官

賜爵

漢俸米多錢少

予告賜告有別

持節使持節假節有別

給扶掖侍

衙門當作吾門

上衙門三日

三考出身

大夫亦有三朝

國忌停刑

緊急文書

加耗

行香

花押

擡頭

目知錄論用銀不確

印

省會二字借用

府道二字借用

國子監成均皆借用

太學

古有亭無廟

孔廟

丁祭

書院

山長

管督

岸獄

黑衣叅謁

門卒

公主稱尚

駙馬

死後贈官

生而立祠

生而賜諡

隨想復姓

封本生父母

進士出身不正

糊名印卷排坐位

搜檢改沐浴文章自註出處

唐宋進士選官不過

進士許讓

許帶書

給燭

謄錄

貼出

鹿鳴宴

三場八月雖定而試期可改

出題割裂被劾

時文八股

瓊林宴

館選教習散館

宋制科三等最尊

場規

南札分卷

額限

主考

本舉人貢士歲貢拔貢

蔭生

賜同進士出身

恩科有二說

見座師

禁稱門生

武學武狀元

武舉武進士

覆試

禮闈

官卷

回避

拔解

監生

監生考職

增廣生附生

宗學

鎖廳

充場儒士

殿試難題

五狀元

特賜科名

行取之始

老先生

獻書得官

狀元無定官

狀元與同年交拜

對花召

修撰

唐重進士輕明經

碧榜

元榜有正副

主司在院而榜自外來

舉子自定狀頭

童子科

副榜

科名記

通籍

大比

隨園隨筆卷九

錢唐袁枚子才著

協辦

仁和邵希曾編校  
無錫賈崧

今之協辦大學士卽宋之叅知政事唐之同平章同三  
品也宋太宗患趙普之專問陶穀次宰相之官穀引唐  
之叅知政事以對而不引漢之御史大夫夫人以爲非然  
其初不掛班不知印不升政事堂殿庭特設尊位署銜  
而已至道元年詔與宰相輪班知印同升政事堂行則  
並馬自寇準始

翰林不必文人

唐制乘輿所在必有文學之士與醫卜一切供奉之人直別院待詔故道士吳筠奕于王叔文方士柳泌俱命待詔翰林是在翰林者不必盡文人今之翰林院待詔猶存此意唐制自宰相而下無宣召之禮惟學士宣召蓋學士院在禁中非內臣宣召無由得入也

執勅

宋號赦書曰執勅見長編

帖黃

唐制降勅有所更改以紙帖之謂之帖黃蓋勅書用黃紙則帖者亦黃紙也今奏狀劄子皆白紙有意所未盡揭其要處以黃紙別書于後乃謂之帖黃蓋失之矣其表章略舉事目與日月道里見于前面及封皮者又謂之引黃見石林燕語徽宗時吏惰不勤凡命之出于門下者預列銜使書名而徐填其事謂之空黃見張叔夜傳宋史中書省大事奏稟得旨者曰盡黃小事擬進得旨者曰錄黃

漢軍



漢軍之名始見于宋史劉延慶傳遼將蕭幹擒獲狼將王淵得漢軍二人蔽其目留帳中夜半偽相語曰聞漢軍十萬壓吾境吾師三倍敵之有餘此蓋遼稱宋軍為漢軍也金史兵志伐宋之役參用漢軍及諸部落而統以國人

都都知都都統

唐相王鐸官拜都都統樂工李可及官拜都都知蓋因僖宗奏樂召都知三十人並進無所統攝乃別立都都知王鐸之官名實始于可及

縣令非令尹

左氏宣公十二年不故為宰註令尹也上卿也令尹子文三仕為令非是也今稱縣宰為縣令者借用宰一國之義而其實則非也

古官每卑不一

秦漢侍中丞相史不過掌虎子捧唾壺等事而晉以後之侍中乃宰相也南朝選貌美者為之以何偃王軀為一雙似又與漢相似唐同平章事處資淺之人在同三品三下而宋則以同平章事為正相參知政事次之

漢中書令不過宦者所爲而六朝遂爲正相郭子儀力  
辭此職以爲太宗曾爲中書令宋韓琦瑋贈中書令以  
爲曠典他人贈者必兼他官則尊之至矣唐樞密使亦  
宦官也五代郭崇韜宏重誼領之遂改爲宰相之要在  
大抵古小而今大者尚書侍郎也古大而今小者檢校  
提舉也

漢儀同三司宋三司五司

漢安帝以鄧騭爲開府儀同三司三司者司徒司空太  
尉也別開一府同此三司故曰儀同三司宋之三司則

不管財賦一鹽鐵使一度支使一戶部使也有副使有  
天官五司者經畧使安撫使節度使觀察使及總管是  
也號五司廳唐節度皆兼觀察處置三使宋則以節度  
歸總管司觀察歸安撫司處置歸經畧司

古內外官時輕時重

漢陳咸思入京城揚僕恥居闕外齊茹法亮爲中書舍  
人出爲大司農戀職而泣唐班景倩入爲大理寺少卿  
李若水送之曰班生此行無異登仙若是乎朝廷官制  
重內輕外由來舊矣乃天寶間薛龜貶左丞爲荊州刺

史家人限降之晚塞祐甫任兵部員外求爲洪州別駕  
賓佐有忤意者薦爲臺官其當遷臺閣者皆以不赴取  
罪南朝趙倫之居方伯公私俱足入爲護軍頗若貧窘  
以爲貶也元載以仕者多樂京師惡其逼已乃制俸厚  
外官而薄內官常表奏之始加六千緡後漢郭威以樞  
密使過洛陽平章王守恩留守西京以使相自處肩輿  
出迎威憎之卽日以頭子命白文珂代之守恩方坐館  
待見而吏已報新留守視事于府歐公以爲武臣易一  
宰相如更成卒也古內外官之忽重忽輕如此

唐翰林學士最榮

唐學士入直許借飛龍廐馬白香山贈錢翰林詩分班  
皆命婦對苑卽儲皇蓋最親宮禁也是以韋綬學士也  
而覆以蜀禪之袍韓渥學士也而暗藏金蓮之燭後蜀  
王建待翰林過優人尤之建曰我昔直禁軍見唐天子  
待翰林之厚雖朋友不如也我不過萬分之一耳

古中書舍人最尊

唐之中書舍人宋之知制誥也皆就省中起草故韋承  
慶下筆立成鄭畋動無凝思人以爲才和嶮閉戶精思

劉濤遣見代草人以為不才富鄭公直制誥竟封還劉從愿妻封遂國夫人之詞頭權可謂重矣

部胥

今六部書吏漢之都令史也秩雖二百石皆士人為之而有意者所不屑故梁冀怒名儒劉常召補都令史以辱之南朝陸慧暉曰六十之年不能咨都令史為吏部郎也職雖卑其權之重則由來舊矣曰令史曰書令使書令史者即今之帖寫矣

柱史一解

老聃為周柱下史故御史稱柱史一解也通考云御史冠以鐵為梁柱故號柱史亦號端公又一解也

縣佐非縣丞

今人以縣丞為縣佐不知唐官制縣丞簿尉之下尚有四佐一司功佐一司倉佐一司兵佐一司戶佐皆名縣佐

僕射自魏晉始尊

僕射一官秦漢時侍中尚書博士郎皆有此官在永巷者曰永巷僕射在軍屯者曰軍屯僕射又有謁者臺僕

射以射稱者所以重武事也秩比千石東漢尚書僕射一人六百石獻帝分置左右僕射建安四年梁部爲左僕射卒後贈執金吾是僕射在兩漢時不甚尊也自魏置僕射掌大拜授及百官班次統謁者十餘人從此迄于六朝此官遂尊僕射上表疏只稱名不稱姓唐時左右僕射二人從二品掌統理六官爲尚書令之貳合缺則總省事所謂令僕是也五尚書二僕射一令謂之八座宋徽宗詔曰前代以僕臣之賤充宰相之任可改左僕射爲太宰右爲少宰

唐宰相皆非本官故有同三品同平章事之稱

唐初以侍中尚書令中書令共議國政爲宰相皆三品官也後因太宗爲尚書令臣下避之遂用僕射爲尚書省長官又因其品位既崇不輕授人乃以他官居宰相之職魏徵以秘書監李勣以太子詹事俱各參預朝政其人雖入相而其官未至侍中中書令故必加同中書門下三品名曰若三司三公中書令則不必加此銜然僕射李靖以病辭位詔疾小瘳三兩日一至中書門下平章事遂有平章事之稱後用資望稍輕者遂又有同

中書門下平章事之稱開元以後常領他職如用兵則為節度使崇儒學則為大學士急財用則為鹽鐵使頗有類于今之兼部務者唐制官極尊不過三品其太師大傅等名乃贈官耳

### 宋宰相不再任

宋承唐制宰相不專任三省長官尚書門下並列于外而別置中書禁中號政事堂以同平章事為宰相有二

人則分曰知印或為其館大學士監修國史亦因唐以來三大館皆宰相兼故也後以文路公為太師呂公著守司空復有平章軍國重事之稱或五日或兩日一朝非朝日不至都堂至韓侂胄拜相乃以平章軍國事為名去重字則所預者廣去同字則所任者專

### 宋正官不治事

宋三省六曹二十四司類以他官主判雖有正官非奉別勅不治本司事故中書令侍中尚書令不預朝政侍郎給事中不領省職諫議無官責起居不記注天下財賦悉隸三司而中書自不知其盈虛出人也大槩分而為三一曰官不過寫錄秩敘爵位而已二曰職所以待

文學之達三曰差遣方辨治內外之事故士以登臺閣  
為顯官而不以官之遲速為榮滯以差遣要劇為貴途  
而不以階勳爵邑有無為輕重時人語曰寧登瀛不為  
卿寧抱槩不為監

宋三師三公最濫

宋初趙普為太師以其開國元勳也元祐以文彥博為  
太師以其四朝耆舊也後童貫為太師是以奴隸為帝  
師矣越王偲鄆王楷為太傅儀王樛肅王樞為太保是  
以子弟為保傅矣宣和末三公至十八人三少不計其

數荆王元儼號二十八太保以其年才二十八也

唐翰林待詔甚尊

明皇置翰林院待詔以張說陸堅等為之掌四方表奏  
批答又置翰林供奉與待詔分掌詔勅後改名學士祐  
遇甚親至號稱內相非若今之待詔也

宋封誥

宋有官誥院主管官一員凡應諸封者其綾帟幅數標  
軸名色皆視其品之高下而為之凡人品者給告身無  
品者給黃牒大觀初定文武官綾帟五種分十二等如

一等則十八張滴粉鏤金花大犀軸八笞量銷金韻色  
帶以下遞降若宮掖至外命婦有遍地銷金龍鳳五色  
團窠花羅紙之分

宋恩蔭最濫

宋一后妃一大臣之子弟親屬皆有恩蔭有官至二十  
人者晏殊不乞恩澤而薨後仁宗猶官其孫及甥等九  
人其他郊祀行慶群官率多進職真宗時司諫孫何奏  
責部上名動踰千計門資入仕亦及百人每祀闕邸直  
加銓敘使評事寺丞才數輪而通聞籍贊善沈馬不上  
年而登臺郎若十年之內肆赦相仍必至京僚過于胥  
徒朝臣多于州縣請降詔書自今郊祀群官一例不得

省臺寺監府衛院之分

省者中書省尚書省侍中門下省是也臺者御史臺司  
天臺之類寺者太常寺太僕寺之類監者都水監尚方  
監之類衛者羽林衛變儀衛之類府者折衝府都督府  
之類院者樞密院集賢院之類皆今之衙門也

令勅格式之分



禁于未然之謂令施于已然之謂勅設于此而使彼至之之謂格設于此而使彼効之之謂式

稱呼越等之禁

淳化元年因子祭酒孔維上言中外文武官稱呼假借踰班越等請一切禁斷太宗命學士宋白議白請自今文武臺省官並呼本官如太常博士大理評事不得呼郎中諸衛將軍未領刺史者不得呼太保供奉官以下不得呼司徒

巡撫稱中丞

秦有御史監諸郡漢興省之漢御史大夫有二丞一曰中丞掌圖書秘書外督部刺史明之巡撫皆帶御史銜故至今稱巡撫曰中丞

唐宋散階

唐宋文散階二十九從儀同三司特進光祿大夫起至將仕郎而止武散階四十五從驃騎大將軍起至騎戎校尉而止

唐宋封婦人

唐宋封婦人一品母妻爲國夫人三品以上爲郡夫人

四品爲郡君五品爲縣君勳官四品有封者爲鄉君

宋史官制排班給俸最詳

官制莫詳于宋史有合班給宋祿等條合班如開寶六年詔管王位望俱宗宜位在宰相上太平興國八年楚王廣平詔王出門詔宰相立親王之上其餘班次上下載之甚詳祿賜有給鹽給麵給炭給馬芻給帑給僚人衣糧給公用錢茶湯錢并絹羅等名目公用錢曰節一使兼使相至有給一萬貫者赴任川陝者給驛券赴關粵者給倉券皆至任所則止車駕巡幸從者中書樞密

一司使給館券

職田

唐制內外官各給職田倣三代圭田之制賜大夫而不稅其租北齊一品以下公田有差元魏宰人之官有公田宋咸平中令檢校官庄及遠年逃亡田悉免租稅分給兩京大藩府及州縣長吏畝數各有差

學政

古人舉士皆由郡府無所謂學政也宋諸路設監司一員提舉學校歲巡所部察師儒優劣其時或置或罷元

世祖設各道儒學提舉司正副二員掌州府學校考較  
 明初生員入學田巡按御史布按兩使太祖使宋濂王  
 禕為江南江西儒學提舉洪武十九年又以尉門都尉  
 梅殷提督山東學校亦偶然之事始設各省提學南北  
 直隸用監察御史他有用按察司副使或僉事水朝因  
 明制其副使給事稱學道惟北直以翰林為之稱為院  
 縣尉上表巡檢賜勅

唐人高常侍集有謝封邱縣尉表是尉亦得上表也按  
 通考秦尉掌兵原與今尉不同猶之巡檢在宋初為典

兵之所職明初巡檢帝賜勅書癸辛檢記楊運真伽之  
 黨祖傑姦已極枉殺俞氏七人州縣受賄不理平江錄  
 事司移文巡檢司為白其寃則元時之巡檢權亦重矣  
 日知錄云巡檢裁而總督設此豈今之巡檢哉

宋宮觀之職不必往其處使職

神宗置宮觀之職取漢祠祝釐之義所以優賢逸老王  
 安石惡異已之人亦以此處之閒散之地雖曰提舉主  
 管其宮觀實不往供職也故奏請者多以家貧為祠隆  
 旨則曰依乞差某處宮觀任便居住惟京師宮觀不許

外居始則員缺甚少後乃不限員數並差知州資序人以三十日爲一任

唐末官放假日多

唐宋京朝官遇元旦寒食中和天慶上元之類卽放假休休又有旬休之例文昌雜錄載一年中放假有七十大日故包拯奏每節假七日廢事頗多請只給五日此風至明而絕

藩司臬司

梁沈約齊安陸昭王碑文曰藩司抑而不許此藩司司

說史冊之文然李善竟未注何官唐人文集中所稱藩垣藩岳者皆節度之通稱遼蘇州詩方知大藩地豈曰財賦強蓋節度乃上州刺史從三品下州刺史皆正四品分上階下階故皆可稱至千臬司二字不見史冊惟元世祖至元十四年奕赫抵雅爾丁爲達康道肅政廉訪司始視事見獄具列庭下愀然曰凡逮至臬司皆命官及有出身之吏得情卽服罪無用刑具此臬司初見史傳之文其濫觴則藩字見于毛詩臬字見于康誥耳

藩司稱方伯臬司稱按察司

方伯二字見于王制分天下爲左右曰二伯又曰天子  
使其大夫二人監于方伯之國國三人此方伯最尊後  
世廢封建所云方伯者刺史也漢何武曰刺史古之方  
伯上所委任南齊張敬兒爲雍州刺史稱方伯今以  
藩司爲方伯者借稱也按察使則唐時已有睿宗景雲  
間改巡察使爲按察使宋仁宗以轉運使爲按察之官  
務察歷江南東路轉運使專以舉官爲急務曰此按察  
職也宋之按察蓋主巡察別有提點刑獄則轉運判官

爲之途聖宗命尚書劉京等分路按察刑獄此按察爲  
刑官之始金章宗承安四年始改提刑司爲按察使司  
元世祖又改爲廉訪司今人稱臬司爲廉使本此

罰俸

唐制品官犯流罪以下聽贖由笞十贖銅一斤遞加而  
增但云贖不云罰也宋刑法志有奪俸一月之說金忠  
刑志載罰俸一月選舉志則云奪俸兩月三月時史曰  
祖制凡朝會失儀者下鎮撫司獄杖之萬歷時改爲罰  
俸

直隸

直隸二字見宋史直隸省三字見元史趙普傳普與帝謀合節鎮所領州郡皆直隸京師得自奏事不屬諸藩于是節度使之權始輕元地理志序曰唐以前以郡領縣而已元則有路府州縣四等大率以路領州州領縣而又有腹裡之名腹裡者一中書省統領燕南山東山西河南河北諸路之地也行中書省十有一而中書省只一焉其他有以路領府府領州州領縣者而府與縣又有不隸于路而直隸于省者至本朝竟以直隸爲一

省之名

宰相有印

方密之謂宰相無印文俸皆借翰林院印此但指明之大學士而言若唐宋宰相皆有印也且有分日知印之法其印文曰中書門下印元中書令丞相皆銀印明大學士本無宰相之名然亦未嘗無印明史內閣銀印這卮方一十七分厚六分篆文曰文淵閣印但文移恰借用翰林院印而不用此印密之蓋知其一不知其二也本朝大學士無印文移用內閣典籍廳印卽明之翰林

校典籍也明閣臣多出翰林故典籍卽爲內閣之屬今  
改典籍隸內閣而翰林別設典籍其制稍變

翰林有印

翰林院明時爲五品衙門銅印 本朝升爲從二品衙  
門銀印其屬典籍簿亦有印講讀以下官無印

檢校

唐初所謂檢校雖非正授却辦本職事如檢校侍中檢  
校中書令檢校納言檢校左相之類皆列于宰相表與  
真授者無別而宇文士及檢校涼州都督魏元忠檢校

并州長史亦是實履其地內外官各有檢校若今署事  
者然中葉後諸將以軍功得檢校官從此三公三師僕  
射尚書車載斗量有名無實故唐書宰相表三公三師  
七十一人而檢校之公師不與焉猶使相之不列于宰  
相也自公師兩僕射六尚書兩散騎常侍太子賓客祭  
酒水部員外郎外罕有餘檢校者宋史所列檢校官一  
十有九王建由檢校太師遷司徒曹偁以檢校太師守  
司徒又數年始除太保然則檢校太師尚在真三公之  
下也三公三師有臨軒受冊之禮若檢校則不行冊拜

矣

行守試之分

行守試三者以官與職之高下而分長編元豐四年詔自今除授職事官並以寄祿官品高下爲法高一品者爲行下一品者爲守二品以下爲試品同者不用行守試字樣柳公權符璘碑其題云輔國大將軍行左神策軍將軍輔國大將軍階正二品左神策將軍階從三品此高一品爲行之証也其署銜云朝議大夫守尚書工部侍郎朝議大夫階正五品侍郎官正四品此下一品

爲守之証也五代時李琪爲宰相有所愛吏當得試官琪改試爲守遂爲同官所糾此試不如守証也富弼云公著之守司空與蔡京之司空皆真三公也而京不加守字則尤貴矣

判知之分

判與知有分春明退朝錄云品同爲知品隔爲判宋初曹翰以觀察使判潁州蓋用隔品爲判之例後來惟輔臣及官僕射以上領州府事稱判其餘皆稱知不稱判也



權發遣

宋法判知之外又有云權發遣者則因其資輕而驟進故于其結銜稱權發遣以示分別程大昌演繁露云以知縣資序隔二等而作州者謂之權發遣以通判資序隔一等而作州者謂之權知宋制六曹尚書從二品而權尚書則正三品侍郎從三品而權侍郎則從四品是權知與知亦有分別東坡以端明學士知定州知州事差遣也端明殿學士職也朝奉郎則其寄祿官也差遣罷而其官職尚存職落而官尚在非有大罪則士大夫

無一日儕于編氓之禮古之優臣工者如此至明太祖始法重而恩殺焉

落致仕

元祐元年文彥博落致仕加大師平章軍國重事路公本以守太師致仕今復召用故有落致仕之命同一落也落職則為罷免落致仕則為復用其云落者謂結銜丙去此字也元豐三年彥博落兼侍中除守太尉蓋其時方改官制以侍中中書令為宰相職事官非退閒者所宜授故落侍中而加大尉以寵之亦非罷免之謂

一字王

遼史有一字王之稱蓋如趙王魏王之類皆國王也若郡王則必二字如混同郡王蘭陵郡王之類較一字王為卑

同知稱司馬

古同知兩字非官名元史張礎同知轉運使余闕同知副元帥皆不過參佐之義而其結銜仍在下面某官也稱某府同知蓋自明始矣司馬一官在兩漢並非郡僚乃典兵之官續漢書百官志將軍之下有司馬一人其

領軍皆有部曲部有軍司馬一人曲有軍侯一人又有軍假司馬假侯別部司馬諸名目今人得漢印其篆文往往有之皆將軍之屬領兵者非郡守之貳也郡守之貳有丞有長史而已刺史之下有從事有掾史而已皆無司馬也魏晉以降除刺史者除單車刺史外必加將軍都督軍事故僚屬有司馬之名而隋唐因以司馬為郡佐今人呼同知為司馬或以此故歟

通判稱別駕

宋太祖去藩鎮乃設通判以監諸州刺史刺史惡其提

擗故云願有螭螭而無通判處然其結銜皆云通判某州軍州事無單名通判兩字者直云某處通判亦自明始矣東坡通判杭州寄子由詩云杭州別駕無功勞其時蓋已有別駕之稱漢制刺史之屬吏有治中從事別駕諸官皆州自辟除秩止百石較之縣令爲卑而魯子敬稱士元非百里才使處治中別駕之任始得展其驥足者蓋爾時州牧專制一方幕府元僚得參生殺予奪之權權重于縣令故耳通典云別駕者謂刺史之後別駕一車以行也

### 元宰相太多

元宰相最多馬亨上疏言宰相至十七員人之冗濩宜加省汰其時中書省有左右丞相有平章政事有右丞左丞有參知政事皆稱宰輔而秉政者丞相也平章間有一二人用事右丞以下其任漸輕丞相非蒙古色目人不得爲漢人而爲平章者只王文統李孟而已左丞以下始參用漢人然終元之世南人不得入中書也阿合馬爲尚書平章政事求升中書右丞相亦丞相尊于平章之証也

元皇后亦最多

偽漢劉聰周天元皆有皇后數人元代四幹耳朶俱有皇后六七人大抵其時稱皇后者不必正宮猶之皇子皆稱太子宗女悉稱公主也所云幹耳朶者猶之華言大營盤第二營盤也北周書之所云大呼藥小呼藥或卽是此義耶

宰相稱相公

宰相稱相公始于王粲粲從軍詩曰相公征關右是時曹操自領三公又爲丞相故也嗣後相而不公公而不

相者多矣晉簡文帝以會稽王作相故又稱相王

入粟官元價最貴

入粟補官元初無之天歷年間始行之因旱故也然折鈔每石八十兩一千五百石才得從七品是七品官業已金萬兩餘矣

寄祿散官

宋初官制有寄祿之稱漢唐未有所謂寄祿者如尚書侍郎給事諫議諸稱卿監郎中員外郎之屬皆有其名而不任其職謂之寄祿官以爲敘遷之階而已所謂散

官者則勛封功臣食邑之類徒爲文具無足重輕者也  
元豐以後又以尚書侍郎等皆爲職事官而以舊所置  
散官爲寄祿官如金紫光祿大夫猶前之吏部尚書也  
銀青光祿猶前之五部尚書也正議大夫猶前之六部  
侍郎也朝請朝散朝奉猶前之諸曹員外郎也錢辛楣  
少詹有讀宋史二則言之甚詳

賜爵

史記趙孝成王使趙勝受韓使者馮亭之地吏民皆益  
爵二級惠帝元年民有罪得爵三十級免死應邵曰一

級直錢二千大事記載普賜天下民爵自惠帝始後漢  
書注劉邵曰春秋不更庶長已見商鞅修其法爲十八  
級合關內侯凡二十等百官表一級曰公士二曰上造  
三曰簪褭四曰不更五曰大夫至關內侯而止有罪者  
得贖貧者得賣與人高祖詔吏善遇高爵明于文定公  
不解其制以爲屢遇覃恩天下將無百姓方密之以爲  
所賜者不過鄉老里長輩雖曰民非平民也唐劉知幾  
言具僚九品每歲遇赦必賜勳階以致緋服多于青衣  
象版多于木笏此庶官加爵而不及平民之証也宣帝

求漢初功臣之後復其家史稱皆出庸保之中及考之表則或云公乘簪褭或云公乘上造大率皆有爵者爵至五大夫才得復其身庶長左更則二千石之勤事者往往得賜皆漢法也王仲宣集有爵論云依律有奪爵法今爵事廢矣奪之民不懼賜之民不喜是空設文書而無用也又曰爵自一級轉登十級而爲列侯譬猶秩自百石轉遷而至于公也近世賞人不由筭級從無爵人封爲列侯原其所以爵廢故也古者白起衛鞅皆稍進爵爲五大夫容卿庶長以至于侯非一頓而封也魏

了翁古今考曰漢武功爵者造士良士元士戎士樂卿軍衛之名與秦異買者試補吏先除千夫如五大夫猶近今廸功郎登仕郎之類各有價也宋天禧元年登州學究鄭巽出粟五千六百石賑饑詔補三班承信郎嗣後沿以爲例然州縣官不許接坐只令廷叅而已大抵民賜爵如老農給八品頂帶之類官賜爵如給本身封典之類俱不甚貴重

漢俸米多錢少

漢百官俸米多錢少三公俸月三百五十石減至令史

而月猶八石開元二十四年定百官俸一品三十千遞至九品月一千九百此則論錢矣北漢劉崇傳宰相月俸百緡較之今日猶多一倍鄭端簡曰祿輕自宋始也惟賜封之典至宋而隆大父母如父母古未曾有

予告賜告有別

漢予告賜告有別予告者許歸家三公予告令也賜告者不得歸家病滿三月賜告恩也大抵賜告如病假之類馮野王病滿三月賜告與妻子歸茂陵就醫大將軍王鳳劾其不敬

持節使持節假節有別

漢之持節有三曰使持節得殺二千石以下曰持節得殺無位人曰假節惟行軍得殺犯令者皆刺使也唐武德元年改郡為州改太守為刺史亦加號持節

給扶挾侍

常見岑文本畫古帝王像一帝之側必有左右二人擁侍而立者亦復冕而貂蟬但止三旒非若天子之九旒不解其制朱葛同曰此魏晉六朝所謂給扶是也宋猶行之故陳康伯傳許肩輿至殿門仍給扶或曰天子無

給扶之說旁侍立者即侍中也故戴貂蟬余按陳書驍  
騎之職天子臨軒則升殿俠侍故韋翹爲俠侍將軍又  
大行皇帝靈座有俠御人或容畫者其即此歟

衙門當作吾門

說文衙字讀語音不作牙音故漢書多寫衙爲禦楚詞  
道飛廉之衙衙亦然漢吾字乃作牙音如允吾騶吾金  
吾之類百官箴以金吾爲吾臣蓋衙臣也天子朝羣臣  
曰正衙庭見曰衙參走卒曰衙官牙將皆從木吾而起  
金吾木吾者棒也伍百執之以參于前者見古今註

上衙門三日

今州縣初到任必具刺上衙門三日在上官到任則下  
屬亦往具刺侯起居三日不解所自始唐岑參爲虢州  
上佐有衙郡守還一詩註衙者今監司郡守初上事既  
受官吏參謁至晡時僚屬復伺于客次胥立廷下通刺  
曰衙以聽進退之命如是者三日主人免此禮則翌日  
又通謝刺蓋自唐已然矣

三考出身

三考者試流外之官一曰書二曰計三曰時務蓋較之



試進士科之身言書判僅少其一耳見六典元史選舉志吏三考者或以三十月爲一考或以四十月爲一考大德元年以百二十月爲一考蓋舊以九十月爲滿也三考出身爲正七品

大夫亦有三朝

古今考曰天子有五門三朝三朝者內朝路朝外朝也玉藻曰路寢聽政退適小寢路寢者大寢也正寢也此云諸侯亦有三朝也今之州縣大廳正寢也小廳小寢也別府堂宅燕寢也是大夫亦有三朝也

### 國忌停刑

唐太和七年敕國忌日禁飲酒舉樂其日不合釐務官曹不得決斷刑獄其小小答責在律固無妨要臺府不得舉奏見舊唐書因御史臺奏均王遐國忌日於私第決科作人故降此詔元相詩云狼籍囚徒滿田地明日不推緣國忌亦其証也唐以前則不可考

### 緊急文書

今之緊急文書日行六百里以爲至速也按漢書劉屈氂乘疾置爲急遽日行四百里趙充國在金城上書在

隋書卷九  
六月戊申而七日甲寅璽書下矣從金城至長安一千  
四百五十里往返倍之中間更下公卿議而來往止七  
日唐明皇幸洛時八月己卯夜權楚璧作亂而王午遣  
河南尹王怡如京師以問止三日

加耗

後唐明宗嘗入倉觀受納主吏懼責其多取乃故為輕  
量明宗曰倉廩宿藏動經數歲若取之如此後豈免折  
閱乎吏因訴曰自來主藏者為價欠故以至破家竭產  
正為是耳明宗惻然乃詔自今每石取二升為雀鼠耗

至今行之所謂加耗者是也

行香

南史王僧達好鷹犬何尚之設八關齋集朝士行香次  
至僧達此行香二字見史傳之始而畢仲荀幙府燕間  
錄以為始于北魏高歡執香爐從帝步行齊梁效之以  
香末薰手唐文宗禁之石晉天禧中竇政奉忌行香宰  
臣跪爐百官立班見西溪叢語齊文宣天保元年制每  
月朔行香能改齋漫錄以焚香見漢武祭天人故事三  
國志交州太守張津焚香讀道書于吉焚香禮拜雲龍

漫抄曰易柴燎為焚香者二氏之說也故朱子與邱瓊  
山俱極言其非古

花押

東觀餘論曰唐太宗許臣下草書奏事惟名字不草後  
人于正書名字之下加草字遂為花押安祿山押山字  
以手指三撮王荆公押石字性急潦草人以為類反字  
一見曾慥類說一見石林燕語皆言唐宋人未有私押  
但草書其名以為小記韋陟之五雲體亦是花押也余  
按韓非子言田嬰嘗共押券斗石升合之計鄭司農注周

官質劑有空手券畫指券之說亦花押之類集古錄有  
五代帝王將相署字一卷

擡頭

春秋正義引魏晉儀注寫表有出格出格者今之擡頭  
也然金石錄稱唐之中嶽嵩山碑書皇帝太后不跳行  
不空格則擡頭之禮猶未盛行

日知錄論用銀不確

日知錄言用銀起于金哀宗古惟南蠻用銀宣德前御  
庫銀止萬計而已此說殊不確按唐書呂用之給楊行

密曰用之有銀五萬錠埋于所居克城之日願備麾下  
一醉之資五代史李繼韜齋銀數十萬兩賂宦官董昌  
每旬貢銀五千錠金史食貨志明昌二年天下見在金  
千二百錠銀五十五萬弔伐錄宋貢金銀數目至五千  
萬兩北盟會編金人括銀八千萬無逢高者不受元史  
完澤對仁宗云歲入之數銀十萬有奇耶律楚材傳回  
鵠以銀一百萬買天下鹽課又劉篤馬以銀五十萬買  
官廓房地皆在明宣德之前已用銀如是之多矣安有  
至宣德而內庫轉少之理惟唐憲宗元和三年詔禁采

銀有采銀一兩者罪至流韓愈奏五嶺用銀宗仁宗本  
紀言交廣以銀易緡錢此則寧人先生所本也先生又  
因左氏有錫之牛羊雞豕狗三百之語遂謂三代以前  
民不能殺一雞必自上制其死命亦可笑矣

印

璽書二字見左傳季武子以璽書追而與之周禮司關  
凡達貨賄者以璽節傳出之璽卽印也戰國時已用印  
蘇秦佩六國相印項羽列印而不以與人漢高帝弄御  
史大夫印而顧趙堯其來久矣王伯厚云棄符節而用

印始于周顯德六年想符節廢于周耳非印始于周也  
漢晉官員替代皆別鑄印惟尉只用一印見晉書孔琳  
之傳琳之請桓元無改鑄印省金炭之費

省會二字借用

省者禁署也漢昭帝紀帝姊長公主養省中蔡雍曰本  
爲禁中避元后父名故曰省中師古曰省察也言入此  
中當察視也唐書百官志曰官師之別曰省曰臺臺稱  
省會者借用也唐以中書門下尚書爲三省宋元以中  
書省爲宰相所專治元末置中書分省于濟寧彰德諸

路設參知政事又置行中書省于江西江浙山陝等處  
添設平章與真相等明興分天下爲十三中書省未幾  
改爲十三布政司從此以官署爲地名而有十三省之  
說會者天官司會註大計也聽出入以要會天官之職  
也禹南巡時會計天下賦稅而後世遂相因爲省會之  
名

府道二字借用

府文書藏也非官也論語魯人爲長府太公立九府圖  
法周禮天官府六人尚書六府三事允治漢有少府樂

府皆非官名趙禹傳文深不可爲大府諸葛亮傳開府  
治事方漸漸有官名之意然亦非州郡名也唐初只京  
北河南二府而已後武后升并州爲太原府明皇升蒲  
州爲河中府自唐升大州爲府而地理志始有府州之  
名然惟建都者稱府宋真宗嘗爲襄王仁宗嘗爲慶國  
公故升襄陽慶州爲府至元明而統縣者皆曰府矣道  
路也非官也自唐分天下郡縣爲十道又增爲十五道  
而明遂因之有巡道糧道僉事道兵備道之名

國子監成均皆借用

古公子胄子皆入學故監有國子之稱成均者五帝之  
學見周禮大司樂篇均韻也樂之調也樂之調于此受  
成故曰成均古以樂教士故以成均爲大學後世胄子  
不入學而以國子名監悞矣漢武所興太學中皆庶民  
明帝爲四姓小侯立學雖及群公之子而皇子不與然  
則國子監之名之虛也久矣

太學

晉灼曰西京無太學吳仁傑曰太學始于元朔二年儒  
林傳詔太常置博士弟子董仲舒對策願興太學以養

天下之士文翁傳武帝令天下郡國皆立學校官安得  
云西京無太學鮑宣傳宣坐閉拒使者下獄博士弟子  
濟南王咸舉僭太學為訟其寃余按荀悅漢記亦云武  
帝始建太學成帝時或言孔子布衣養弟子三千人今  
天子太學何乃不如布衣是亦西京有太學之証晉灼  
所云因漢時習射者多詣曲臺行禮故疑有曲臺而無  
太學耳

古有學無廟

古有學而無廟釋奠釋菜皆設位為之漢景帝詔郡國  
立太上皇高祖廟諸侯王卿相至郡先謁廟而後從政  
此新官到任謁廟之始顧寧人曰今官府到在謁廟人  
學始于何武武行部必先詣學宮召見諸生試其誦習  
是也宋景祐四年詔藩鎮立學他州勿聽慶歷四年詔  
諸路州軍監各立學學者二百人以上許更置在縣者  
并置教授以也諸生委運司長史王幕職州縣內薦用  
或本處舉人有學行者充

孔廟

漢高過魯以大牢祀孔子此孔廟見史傳之始其時孔

子之祀尚未出于闕里明帝令郡縣學校皆祀周公孔子方爲孔子祀于庠序之始蓋上古祀始立教者古稱先聖先師或神農或周公或顏回不必定孔子也貞觀四年令郡學皆立文廟去周公以孔子爲先聖顏回爲先師以左邱明等二十二入配享金章宗昌明二年詔孔廟前置下馬牌祭時稱御名避聖諱乃遞降而愈隆按魯相乙瑛碑請爲孔廟置百石卒史一人出王家錢給大酒直是其時用大尚未用太牢矣魏孝文延興三年詔不許女巫妖覲淫進鼓舞是其時婦女襍祭廟儀

尚不肅矣

丁祭

郊特牲祭天子郊故祭天曰郊祭祭孔子用丁日故曰丁祭鄭注用丁者文明之象皆本月令仲春上丁命樂正習舞釋菜是也然考隋書文帝詔國子寺每歲以四仲月上丁釋奠先聖先師是其時一年有四祭不止春秋二季也唐高宗武德二年詔祭孔子用太牢六侑恐與大祭祀遇改用中丁是又不定用上丁也開元二十八年始改去四仲與中丁而專主春秋二仲與上丁矣



按祭禮內事用柔日記孔子人道也內事也故用丁者亦柔日之義

書院

書院之名起于唐元宗時麗正書院集賢書院皆建于朝省爲修書之地非士子肄業所也宋時有富人曹誠者捐資建立事聞京師詔賜名應天書院以誠爲助教從此有四大書院之名睢陽石鼓嶽麓白鹿洞是也太平興國元年以江州白鹿洞主明起爲褒信主簿洞在廬山之陽李後主時給田數十頃爲諸生課書之資起

以田入官故得爵命而書院幾廢唐呂溫有題尋真觀李寬中秀才書院詩

晉山長

晉山長

今稱書院先生曰山長按元史學校志丞相帖木迭兒奏下第舉人年六十以上者與教授其無出身者與山長學正是山長乃官名也至元二十八年詔立小學選老成教之其他好事之家出錢贖學者立爲書院凡師儒之命于朝廷者曰教授路府上中州置之命于禮部及宣慰司者曰學正山長路州縣及書院置之又設

直學以掌書院錢粟似今之監院學錄兩考升正長正  
長一考升教授宋史景定七年台州人上書乞王燾充  
上蔡書院山主詔從之時燾已參知政事矣似山長尊  
卑亦不一例  
管督人年六十以上管與燾其職同燾與山  
魏明帝詔婦人應督者督之吳仁傑漢書補注以為督  
者不露體之管也今有管而無督矣

### 岸獄

詩經宜岸宜獄潛邱劄記鄉亭之獄曰岸漢浩商為義  
渠長所捕者亡乃取其母與瑕者繫都亭是也今有獄  
而無岸矣通雅岸即狴犴之岸龍九子之一善守護故  
名

### 黑衣參謁

嘗疑演戲者下吏參見上司多着黑衣此禮最古按國  
策左師讐龍說太后願使少子舒祺補黑衣之數蕭望  
之傳朝時皆着皂衣張敞亦云臣侍皂衣二十餘年儒  
林傳宣帝時任章欲為逆以郎皂衣故衣皂而伏其中  
所以然者想因周禮有冕服見天子囚服歸司寇之說

耶曾以此請質之錢幸楣先生則曰不然古人以緇衣羔裘爲朝服黑衣非賤者服也秦郊廟之服皆以絢元明帝始制冕服以祀天地明堂而百官不執事者仍絢元以從如淳云雖有五時衣至朝皆着皂衣至隋始有三品以上衣紫五品以上衣緋六七品衣綠之製而唐宋因之

門卒

東漢庾乘給事縣庭爲門士註門卒也郭林宗拔之入學庾自知出身卑每下坐嗣後學中人以下坐爲尊

公主稱尚

稱尚者本易經得尚于中行之義王弼註尚配也顏師古匡謬正俗言之甚詳漢書天子女稱公主姊妹稱長公主姑稱大長公主猶之春秋所書伯姬叔姬季姬者時君之女也加子以貴之者先君之女時君之姊妹或姑若祖姑也但帝女亦有稱長公主者如武陽公主是也諸王女稱翁主唐稱郡主稱鄉主稱鄉亭公主其駙馬號儀賓公主賜諡始于唐德宗賜廣安公主

駙馬

駙馬名始于漢武謂駙御馬而行親幸之義非必尚公主也尚公主必先拜駙馬都尉始見于齊職儀南齊袁樞議公主亡不得兼駙馬都尉引杜預尚高陵公主主亡泰始中追贈公主而元凱不加駙馬之官嬪真子以爲駙馬者始于魏武寵何晏以御馬之副給之志恩也宋神宗治平四年詔駙馬不許升行蓋唐以後子弟一選駙馬便與叔父齊行李遵勗崇矩之孫尚真宗女御筆升遵勗爲崇矩之子繼昌之弟繼昌者其父也升之與父同行所以避舅姑之尊也其無禮亦甚矣宋史開

慶初宰相請以進士第一人尚主時周震炎中狀元而主從屏後窺之不悅其貌乃別尚楊鎮理宗事也內府秘典言明代駙馬不選公卿子弟多用幾輔少年及武弁世家所以然者駙馬受制于公主之嬖母出入有時起居有節萬歷再駙馬受嬖母箠幾死而公主不敢救故人多不願初選時禮最繁重禮部相其貌欽天監筭其命最後命錦衣百戶驗其陰命犯關煞陰皮裏稜者皆不選選定後宮婢猶笑問曰駙馬郎君情肉重否情肉者陰頭上肉也相法云男子陰頭肉重則其人多情

稜高主夫婦相愛初萬歷選壽陽公主時備選者一冉一顧顧貌美白玉大簪帽髮可鑒陰肉亦隆然憑人摩視而冉則敝衣俯首若懷羞者鄭貴妃以冉爲老成竟選中之已而反目逃回蜀來演禮革其父職帝亦悔之

死後贈官

死後贈官始于莊公元年王使榮叔來錫桓公命

生而立祠

生祠始後漢李憲傳廬江陳衆說降淳于臨臨德之立祠曰白馬陳從事演繁露以爲始于于定國爲東海郡

也按秦始皇自立極廟漢帝皆生自立廟所稱顧成之廟號爲太宗賈誼之言卽今生祠之始魏明帝景初元年有司奏定七廟之制于太祖廟北爲二祧左爲文帝廟號高祖昭祧右擬帝號曰烈祖穆祧是生而立廟且定號矣

生而賜諡

生而賜諡者左傳衛侯賜北宮喜諡曰貞子析朱鋤諡曰成子是也然何祀瞻得宋本左氏杜註云二臣皆死而賜諡傳終言之審是則非預凶之禮然下文以齊氏

之墓田與之則未必非賜之于生前也祀瞻好爲異說  
如以漢書士卒鳧藻爲鳧葵之類鳧葵見馬融廣成頌  
注芭蕉也于士卒二字文義不屬

隨嫁復姓

祥符八年進士朱說卽范文正公也公隨吳夫人改嫁  
范氏仍姓朱登科後復姓范氏母封吳國夫人歐公神  
道碑直書不諱

封本生父母

封本生父母古未有也宋李昉爲相始奏封叔父超叔

母謝氏唐權文公請貤封外祖詔從之劉總亦貤封外  
祖其制誥曰段公威德當流慶于外孫令伯孝心願推  
恩于祖母其外祖張懿也封尚書

進士出身不正

唐宣宗自稱鄉貢進士李道隆進士之榮至于天子慕  
之然李贊皇不中進士故不喜科目曰好驟馬不入行  
金衛紹王喜吏員不喜進士曰高廷玉人才非不佳可  
惜出身不正以其中進士故也此二語者亦可爲唐人  
發一嗚嚙

糊名印卷排坐位

唐吏部試選人皆糊名武后以爲非用人之法詔罷之此所云糊名者用之于選人而非用之于考試也考試糊名續通考以爲始于魏元同宋淳化三年蘇易簡知貢舉仍糊名考核後遂爲例卷上加印五代會要以爲始于晉清泰三年命諸生試卷加監試官印以防真僞排坐號宋會要以爲始于大中祥符四年令諸生排位列坐號號曰混榜元選舉志舉人試時無故不冠及擅移坐次者並扶出每舉子一名着怯薛歹一人看守大

抵防弊之法至後代而愈嚴

搜檢改沐浴文章自註出處

搜檢之法不知何始然讀舒元輿疏云士子入場自攜脂燭聽候唱名搜索等語是搜檢亦始于唐也杜牧李飛墓志飛赴試聞吏唱名熟視符驗勃然曰國家如此待賢耶士受其如此之待而猶自以爲賢耶遂不試出所謂符驗亦搜索類也肅宗時中書舍人李揆請試進士于庭中設五經諸史請資尋檢白香山奏狀云許用書策而以長慶時策不容一字爲非國史補云挾藏入

試謂之書策似乎唐時懷挾之禁猶寬宋端平元年御史李鳴復奏嚴懷挾請懸賞募人告捉余改金史太和元年省臣奏搜檢法太嚴裂衣袒體殊非待士之禮請設一沐浴所命諸生浴官為製新衣着之以防夾帶明昌元年令舉人程文所用可自注出處

唐宋進士選官不過簿尉

通典唐舉人條例四經出身授縣尉五經出身授望縣尉是時進士初除不過縣尉也然非試吏部得用則終身布衣并不釋褐韓文公所以三選無成而受張建封之辟宋進士選官亦不過主簿程明道中進士為鄆縣主簿介以其年少輕之是也今進士非授庶常即改主政縣令驟貴實始于明

進士許讓

宋薛簡肅初舉進士為州第一讓其里人王巖而居其次茅鹿門疑進士何得讓不知唐宋凡舉子皆稱進士其中殿試者謂之及第出身宋制解試雖有主文考校而鄉舉里選之意猶存故得讓此說見南雷文定

許帶書



長慶元年禮部侍郎錢徽知貢舉放進士鄭朗等三十  
三人段文昌言其不公詔制誥白居易覆試居易奏曰  
向例禮部試進士例許用書冊兼得通宵得通宵則思  
慮必精用書冊則文字不錯昨覆試之日書冊不容一  
字木燭只可兩條迫促驚忙幸皆成就可知唐試進士  
許帶書冊也所駁放盧公亮十人以題是孤竹管賦不  
知本于周禮故也

給燭

唐制試日許燒燭二條晉長興二年改令晝試寶貞固

請復給燭

謄錄

宋景德四年定親試進士條例試卷付編排官去其卷  
首鄉貫狀別以字號第之付彌封官謄寫校勘八年始  
置謄錄院官蓋宋初謄寫彌封只一官後分爲二

貼出

金章宗時試者漏寫詩題下注字不取特賜及第元選  
舉志有試卷不考格犯御之廟諱及塗註乙五十字以  
上者不考不考即今之貼出也

鹿鳴宴

今鄉試放榜有鹿鳴宴不知何始昌黎送楊少尹序曰楊君始冠舉于鄉歌鹿鳴而來是唐時已有此制漢何武以童子歌鹿鳴人選則是替人歌耳

三場八月雖定而試期可改

天寶十三載舉人問策外加詩賦帖經爲三場通考以爲始于武后神龍元年宋高宗建炎三年第一場考詩賦經義一場論一道二場策三道舊例諸州試舉人以八月選日韓魏公以蘇子由病改八月爲九月紹興二

十四年定期用中秋日四川則用季春元豐初以省試春寒展至二月朔卜日殿試于四月上旬今所行者始千元仁宗從李孟之請三歲一開科八月鄉試明春二月會試中者策之于廷賜及第出身有差以蒙古色目爲右漢人南人爲左各命一題三甲進士只與八品官

出題割裂被劾

紹興十五年秘書郎何澹奏有司出題強製句讀專務斷章絕旨破碎經文望令革去舊習云云此亦今之搭截虛縮類也爾時無時文已有此弊此王氏經義所以

爲時文之祖所云強裂句讀大抵經義題耳

時文八股

時文二字初見考上記量銘曰時文思索允臻其極此二字斷章取義實始于此宋文鑑有張庭堅經義一篇皆是尚書題其文有似乎論卽當日王荆公所定格式也歐公云天聖間余舉進士見學者務以言語中偶摘裂號曰時文是時文者乃指進士之詩賦也元仁宗皇慶二年定考試程式蒙古色目人第一場經問五條大學論語孟子中庸用朱氏章句漢人第一場與蒙古同

惟于卷尾作一大結以己意結之三百字第二三場增古賦詔誥等樣蒙古人能漢賦試者加一等用明祖與劉基又酌定四子書文倣宋經義方代古人語氣而爲之體用排偶謂之八股

瓊林宴

今宴進士曰瓊林按唐摭言云新進士尤重櫻桃宴疑卽今之瓊林也唐進士宴名甚多有大相識宴主司之父母也次相識宴主司之偏侍也有小相識宴主司之兄弟子姪也聞喜宴敕士宴也最大者曰團宴卽曲江

宴也至于朋僚賀酒謂之燒尾宴虎化人惟尾不化必須燒之故引以為喻一云新羊入羣必為諸羊所觸火燒之則定見摭言及封氏聞見錄

館選教習散館

宋紹聖初令進士純用經義而改置宏詞一科于進士登科後試之取不過數人即今之館選也庶吉士之選洪武乙丑擇進士為之永樂十三年選六十二人而宣德二年只選一人以故宏治四年給事中涂旦以累科不選庶吉士請復祖制大學士徐溥請新進士錄平日

所作文十五篇呈之禮部送翰林考訂而按號行取之再糊名試之中者為庶吉士謂之館選以翰詹資格深者課之謂之教習三年學成者授編檢次者為給事御史謂之散館

宋制科三等最尊

宋故事制科分五等一等二第皆虛設空名而已以下三等取人惟蘇軾兄弟以高才得入三等而子由為胡武平所駁仍降為四等此外吳正肅公育亦得三等

場規

今所行場規始于皇慶三年既定考題復定場規凡犯御名廟諱及塗註五十字以上者不准瞻錄凡錄正文用硃書計所塗註幾字對讀無差皆標寫字數卷首書三代年貌籍貫用印鈐縫場內毋得喧嘩違者治罪試官漏洩試題者治罪貢士懷挾者治罪

南北分卷

唐武宗會昌元年定舉士人等所定人數其國子明經每年送二百人進士三十人其隸年明經亦送二百人其鳳翔山南西道東道等處進士毋過十五人明經毋

過二十人其河東陳許等道進士毋過十人明經毋過十五人是以地分科目之多少唐已然矣隋唐初無南北分額之例宋太宗又別立分數考京東京西河北河東等處五路舉人亦因北人拙于詞章之故歐公因溫公欲均攤南北故奏言南人百中取一北人十中取一又言南人好文故進士多北人尚質故明經多蓋袒南人也馬端臨亦頗以爲是洪武丁丑考官劉三吾取宋琮等五十二人多南士帝怒所取之偏竄三吾于邊親自閱試取任伯安等六十一人多北士也洪熙元年乃

命楊士奇定取士之額南人十分之六北人十分之四  
宣德間又分爲南卷北卷中卷以百人爲率南取五十  
五名北取三十五名中取十名中者四川廣西雲貴及  
廬鳳二府是也

額限

額數歷代多少不同唐時進士有十九名者張籍哭孟  
寂詩十九人中最少年是也有三十二人者陳標詩文  
字一千重馬擁喜歡三十二人同是也宋太宗奪得賢  
之盛放五百餘人薛居正諫太濫不聽宣和中放至八

百餘人洪武十七年詔鄉試不拘額數從實充貢洪熙  
元年方有定額其後漸增南北直隸定至百名

主考

隋唐有京師主試官無各省秋試官至宋始有漕試類  
試胄試之名淳祐三年命淮南州郡附鎮江秋試淮西  
州郡附建康秋試蕲黃光三州安慶府附江州秋試三  
試所各增差試官二員別項考核照各州元額取放疑  
此卽外省主考之始明初外省主考用教官故有不在  
朝列屢主文衡者景泰二年令布按二使同巡撫推舉

見任教官爲考官以致監臨官屢奪其權嘉靖聽張璠之請方遣京官翰林部科等官每省二人而教官之用漸少萬歷四年用知縣分校而校官愈絀矣

舉人貢士歲貢拔貢

漢章帝建和元年詔曰朕每尋前世舉人貢士或起畝不由闕闕此舉人貢士之名所由始也歲貢二字初見董仲舒臣愚以爲使列侯郡守歲貢吏民之賢者各二人明初因之凡貢生入監必由生員選擇命名各學選文理優者歲貢一人故謂之歲貢其後但取食廩年深

者宏治中南京祭酒章懋言歲貢捱次多衰廢者乞令提學行選貢之法不分廩增附生員學優年富者通行考選選貢卽今之拔貢矣前明尚有遇覃恩而選者謂之恩貢今不行矣

蔭生

漢儀注二千石以上任滿三年者得任同產若子一人爲郎蘇武劉向是也宋諸妃公主遇聖節得奏有服親一人

賜同進士出身

王圻續通考以賜同進士出身始于紹興余按宋史選舉志太平興國三年殿試得呂蒙正以下一百九人越二日覆試諸科得二百人並賜及第又閱貢籍得十舉以上十五舉以上者一百八十餘人並賜出身九經七八人不中格者憐其老特賜同三傳出身景德四年又定考第爲五等而臨軒唱之一等二等曰及第三等曰出身四等五等曰同出身并有賜同學究出身者後高宗憐蜀士路遠其赴廷試不及者亦賜同進士出身偶然紹興四年之特恩非始于紹興也

恩科有二說

日知錄言恩科始于宋開寶二年詔禮部閱進士十五年以上曾終場者司馬浦等賜出身祥符八年詔進士六舉以上雖不合格並賜奏出身以此爲恩科蓋本宋史選舉志也余考石林燕語聞見錄俱以爲恩科始于富鄭公當國時與段希元同場屋相好不欲私之故別立恩科所以避嫌也似與選舉志又小異

見座師

新唐書選舉志舉人既及第綴行通名詣主司第謝各



序立西階下北上東向主人席東階下西向諸生拜主  
司答拜今之座主見門生每坐東朝西猶古禮也李衛  
公不喜進士故奏門生只許一見而止其參謁期集曲  
江題名皆罷之

禁稱門生

梁宋兩太祖御試進士懲唐季之弊不許稱門生于私  
門然明人稱座主亦曰老先生至江陵當國方稱老師  
見弇州觚不觚錄

武學武狀元

漢六郡良家子爲羽林期門甘延壽張次公以之出身  
齊崔祖思請開文武二學皆武學之先聲山堂考索云  
宋仁宗慶歷三年置武學旣而中止余按封氏聞見記  
開元十九年置先師太公廟配以張良太學生張綱請  
立武監此武學之始也神宗熙寧五年樞密請建武學  
于武成王廟使文官知兵者教之亦分三舍用之八年  
詔武舉與文舉同時鎖試于貢院後亦中止高宗紹興  
十六年又特建之射不中者不許試程文其馬步弓石  
與今畧同此後忽行忽罷元人選舉志工匠醫巫皆有

科而獨無武舉洪武二十年亦立武學成化十四年從  
太監汪直請設武科鄉會試崇禎時倪元路請殿試傳  
臚一如文例于是崇禎四年以王不聘為武狀元前此  
但有及第出身無武狀元之稱也饒州府志載宋虎臣  
九歲為宋高宗武狀元考宋史不過天子試之補承信  
郎賜金帶耳非狀元也

武舉武進士

山堂考索以武舉始于宋慶歷按冊府元龜漢元延九  
年詔北邊二十二郡舉勇猛知兵法者一入武后長安

二年詔每郡舉習武者如明經進士法行鄉飲酒禮送  
兵部此武舉之始嗣後郭子儀遂中翹關負米科宋慶  
元五年定解額以後稱武舉進士

覆試

續通考以為覆試始于唐開元中覆試侍郎錢徽所舉  
進士不知東漢黃瓊傳左雄奏請今所舉孝廉先試之  
于公府重覆之于端門此為覆試之始白居易覆試錢  
不所舉黜盧公亮等十人白敏中覆試王起所中皮錡  
嚴一人宋石曼卿亦以覆試落第

禮闈

開元七年考工員外郎李昂為舉人詆呵帝以員外郎望輕乃移貢舉于禮部以待郎主之禮部選士自此始見新唐書選舉志

官卷

宋初公卿子弟防其請把遂艱於進取范杲曾公見于也見知陶穀竇儀皆待以科甲曾有言世祿之家不宜與寒士爭科名者杲遂不敢赴試李宗諤以文正公故亦唱名時辭疾文正罷相方登科慶歷時詔官人到立

一額于是進取者始寬見石林燕語

回避

宋制秋貢春試皆置別頭場以待舉人之避親者自總麻以上及婚姻皆牒送惟臨軒策試謂之天子門生雖父兄為考官亦不避嘉定元年命朝官有親屬赴廷對者免差充考核大約避親者七人取其一額甚窄故朝士之被差為考官者慮妨其親不願差試士子亦有隱身匿名不認親戚以求免者

拔解

通判

外府不試而貢者曰拔解見國史補大抵卽免解也

監生

太學生始于漢元朔二年儒林傳載之詳而明制入國學者通謂之監生舉人曰舉監生員曰貢監蔭生曰蔭監捐資曰例監太祖取其英敏者爲小秀才明道者爲老秀才馬后置米紅倉養其妻子未娶者賜其婚聘一旦擢用便至布按兩使其犯法者乃謫選遠方典史今之監生望典史如登天則是景泰元年納粟入監誤之也然生員伍銘入監其價至米八百石矣

監生考職

監生歷事始于洪武五年建文時定考核法上中下三等上等選用中下等歷一年再考用亦不拘品級如永樂五年選三十八人隸翰林院習四夷譯書是也

增廣生附生

郡學之設與太學相峙創立自唐始宋置諸州路學官元頗因之至明而極盛宣德年增廣太祖之原額又于額外附之謂之增生附生

宗學

紹興十四年始建宗學于臨安生員額百人教授一員  
在學者皆南官北宅若子孫及親賢宅近屬則別選館  
職教授宋史宗室傳叔韶以宗子賜進士及第仁宗喜  
以爲古未有也想慶歷嘉祐其時尚無宗學歟

### 鎖廳

宋現任官應進士試曰鎖所雖中止遷官而不與科第  
不中則停現任陸游蔭補登仕郎鎖送第一秦檜孫損  
第二秦怒爲黜有司見宋史

### 充場儒士

明鄉試許童生入場謂之充場儒士中則竟稱舉人不  
中仍歸州縣試大槩學政兩司先考試而后取以入場  
名數亦不多也

### 殿試難題

殿試出題問孔明七十二賢賢賢何德雲臺二十八將  
將將何功此因永樂四年莆田陳實與林環爭狀元朝  
廷故出此以難之見姚園客露書

### 五狀元

宋張伯紀自本州試貢士次公試次內舍校定次上舍

合格次升補上舍上等皆第一徽宗以爲五狀元見是齋日記

特賜科名

開寶三年詔進士六舉以上者雖不合格特賜科名七十八人景祐元年詔進士五舉年五十以上者不合格亦以名聞

行取之始

天順間以科道缺人取內外科目出身三年考滿者考選之內則兩京五部主事中行評博外則推官知縣其

自外入者謂之行取其有特薦者不拘俸滿之例

老先生

漢書賈誼傳河南守吳公聞其秀才每詔下諸老先生未能言誼爲之對舛州觚不觚錄明代稱老先生最尊門生稱座主不過稱老先生而已自嚴分宜當國門生方有老師之稱外省司道稱巡撫曰老先生稱按院曰老先生大人

獻書得官

大中祥符八年獻書者十九人悉補三班賜出身乾德

四年彭幹涉弼亦以獻書賜科名

狀元無定官

儒林公議言宋狀元極尊登第不滿十年卽望柄用如王曾陳堯叟皆是也尹洙言狀元及第雖使將兵十萬凱歌勞還其榮無以加焉宋史亦言國初狀元可以十年作相頗多名臣自王安石立經義改新法葉祖洽迎合之遂中狀元從此士風大壞而朝廷待之亦薄余按開寶八年王嗣宗爲狀元授秦州司戶叅軍忤知縣路仲冲械繫之于獄馬涓入幕府自稱狀元呂大忠折之

曰狀元者及第未除官之稱也旣爲判官則不可自稱是宋初狀元不過幕府之職亦不甚尊太平興國時改授大理評事通判諸州八年第一甲授知縣與推官孝宗時汪應辰狀元授鎮東簽判光宗時陳同甫狀元授建安府判官廳公事理宗時王十朋狀元授紹興簽判燕翼貽謀錄云宋初狀元傳臚皆自備鞍馬大中祥符八年詔進士第一人給金吾七騶前引爲之傳呼與同列者異始于蔡齊旋除將作監通判兗州然則狀元在宋時亦無一定之官開慶初宰相請以進士第一人尚

主時周震炎中狀元而主從屏後窺之不悅其貌乃別尚楊鎮理宗時事也見宋史

狀元與同年交拜

宗選舉志新進士朝謝後拜黃甲其儀設褥于貢院堂上東西向皆再拜拜已擇榜中年長者一人狀元拜之復擇最少者一人拜狀元所以重年好也

對花召

文文山文集宋故事狀元賜袍笏與聞喜宴各刻題名小錄一月後率同榜謝恩闕下曰門謝謝後狀元授承

事郎某軍節度判官廳公事至後一科放進士榜則前一科狀元召入為秘書省字名曰對花召

修撰

今狀元授翰林院修撰修撰之名始于唐張昌齡為北門修撰

唐重進士輕明經

通鑑唐重進士輕明經王凝與姨母弟彥昭同舉進士凝先及第袂衣見彥昭曰君何不舉明經此後遂為深仇潘好禮之子舉明經好禮惡之枷其子于縣門明經



之輕至于如此然昌黎贈張童子云明經試禮部者歲  
三千人能貫串者須十年之久亦非易事也

瞎榜

宋人以殿試二名爲榜眼工部郎中陳若拙無文才而  
中第二人號瞎榜

元榜有正副

康熙間國子監祭酒吳鱗潭在都于啓聖祠土中掘得  
元碑三一爲正泰國子貢試名記蒙古色目漢人列三  
榜皆有正副一爲至正十一年進士題名記蒙古色目

爲一榜狀元朶列圖漢人南人爲一榜狀元文允中皆  
無榜眼探花一爲至正國子中選題名記蒙古賜正六  
品色目賜從六品漢人賜正七品亦有正副三碑其制  
蒙古人汗僂色目人一等契丹女貞皆稱漢人色目人  
三十種皆所征取部落詳輟耕錄

主司在院而榜自外來

據言鄭顥爲主司託崔雍爲榜至榜除日待榜不至但  
遣奴壽兒來早走賀壽兒寄宿院中夜已艾壽以蠟丸  
進節榜也主司在院榜自外來大奇

舉子自定狀頭

杜黃門第一榜第三場庭參之際謂諸生曰未有榜帖奈何尹樞年七十餘趨而進公欣然延之乃授以紙筆每劄一人則抗聲斥其姓名列庭聞之無不嘆其公道惟定其元曰非老夫不可公即命筆親自劄之狀頭竟出于舉子自定尤奇亦見摭言

童子科

漢太史試學童能諷書九千字以上乃得爲吏後漢年幼才俊者拜童子郎若黃琬黃香張堪任延是也在唐

則李密劉晏張童子宋則楊億晏殊是也孝宗淳熙元年女童林幼玉求試中書後省挑試所誦四十三件經書俱能登答詔封孺人然此後亦無所表見

副榜

古無副榜正榜之分但有甲科乙科之別今之副榜似是古之乙科順帝至正八年中書省奏准監學生員每歲取及分生員四十人三年應貢會試者一百二十八人除例取十八人外再取副榜二十人時謂之鄉試備榜

科名記

今鄉會試有進呈錄蓋起于唐宣宗裴庭裕東觀奏記云上好文學尤重科名大中十年鄭顥知貢舉宣宗索科名記顥采武德元年以後及第人姓名及所試詩賦編次奏之後其書不傳故新舊唐書絕無記錄

通籍

漢制司馬一人守宮門記公卿之年貌號曰門籍以通其出入太后除竇嬰門籍便使之不得奉朝請矣王嘉為郎坐戶殿門失闕免蓋一時稽考之悞

